

Da poi disnar, fo Gran Consejo, non fu il Serenissimo.

Vene a Consejo il conte di Castagnaro spagnol, falconier de l'imperador, venuto di Bologna per veder Venetia; alozato in casa de l' orator cesareo. Sentò di sora i cavalieri; havia con sè assai homeni da conto.

Fo butà la paga di Monte vecchio 1483, vene per secondo Santa Croce.

Fu fato dil Consejo di X in luogo di sier Lorenzo Bragadin, ha zurado consier di Venexia, sier Polo Trivixan fo podestà a Padoa, di balote 23 da sier Zuan Badoer dottor et cavalier, fo podestà a Padoa, et altre 8 voxe.

A dì 13. La matina, ussite di casa sier Piero Lando varito dil mal, et sier Sebastian Justinian el cavalier savio dil Consejo, che non veniva per la morte dil fradelo, sichè il Colegio di Savi ora è in ordine.

Et il Serenissimo vene con il Colegio et li Cai di X a la Zecca, per il qual andoe sier Nicolò Venier è sora la Zecca, et era preparato con spaliere et tapezarie dil dito sier Nicolò, et in l' officio seudi messi seudi venetiani per ducati 200 milia, poi lastre d' oro, cadene et altro per ducati milia, et moneda non era ducati Tute le botege batavano seudi, sichè fu bel veder. Qual intrato Soa Serenità et sentato in l' officio, erano masseri a l' oro sier Zuan Corner, sier Giacomo Gixi, a l' argento sier Hironimo Lion, sier Vetor Malipiero; fo mostrato a Soa Serenità et a tutti il bisogno de la Zecca di farla di novo, per star in gran pericolo si de fuogo, come di esser robata, et

Da poi disnar fo Consejo di X con la Zonta per dispensar li ducati 100 milia tolti di la Zecca, che zà se ha hauti in Zecca danari posti a questo conto come con haver 6 per 100 ducati 60 milia et più, et ogni si seuode.

Da Bologna, fo lettere di nostri, di 10. Come il salvoconduto di le galie di Barbaria con certe clausule, el qual però si conzerà, et l' orator Contarini sta meglio, et fin do zorni potrà negotiar. Il summario dirò.

151* Fu posto, dar trata di certe biave di Friul ad alcuni che taia legni, et fu presa.

Fu posto, una materia conseiata per i Savi, *videlicet* tuor di 100 milia ducati di la Zeca ducati 5000 per dar al capitano zeneral da terra, 9000 per il quartiron di le zente d'arme, 1300 per pagar fanti in custodia di le terre, ducati 3000 per formenti.

Et parlò sier Hironimo da chà da Pexaro proveditor sora l' armar, questi danari tolti di la masena è deputadi a l' armar et disarmar. Li rispose sier Lunardo Emo proveditor sora l' armar, et fè un gran rengon, dicendo vol il resto siano tuti ubligà a l' armamento, et in loco di quelli sia dà al capitano et zente d' arme quella ubligation ha il capitano a la Camera di Vicenza, et cussi le zente d' arme a le Camere sia dà a l' armamento.

Et sopravene *lettere di Costantinopoli, di 29 Novembre, 1, 15 et 16 Dicembre*, venute per uno pregantin da Ragusi molto preste, et una di 19 drizata a li Cai di X de importantia, le qual tute furono lecte.

Item, se intese le galie di Baruto a di 24 de zembrio esser zonte al Zante et si ave il cargo di quelle, et per una relation fata al Serenissimo di uno , come ha visto nave portogalese

A dì 14. La matina, non fo nulla da conto, *solum* questa nova che di sopra ho scritto. Et per Colegio fo mandà Zuan Batista di Lodovici secretario di l' orator cesareo a dirli, come haveamo hauto lettere di Costantinopoli che nel Bexasten era stà cri data la guera per mar et per terra a tempo novo etc. *Item*, per Colegio la sera fo expedito lettere a Bologna con li avisi hauti da Costantinopoli, castigati.

Da poi disnar, fo Consejo di X con la Zonta pur in camera di scarlati per causa dil Serenissimo che vien.

Fu prima nel semplice fato uno salvoconduto a uno todesco ferite uno so compagno cenando insieme, a requisition di mercadanti di fontego di todeschi et di l' orator cesareo che lo ha richiesto, et questo per anni cinque, che per più non si pol far.

Fu posto et preso *etiam* uno salvoconduto a uno Livello padoan benemerito nostro, al qual fu concesso per anni 5 et manea do a compir, che oltra questi 5 sia per altri 5. Et fu preso.

Fu fato un vicecao di X in luogo di sier Pandolfo Morexini è cazado in la causa di certi danari dia haver.

Da poi con la Zonta fu preso una parte, che *de coetero* soto gran pene per il Consejo di X con la Zonta non si possi obligar le angarie si meterà in Pregadi a la terra o fuori di la terra, ma volendo ubligar sia poste *ut in parte*. Et fu presa.

Fu posto, per li Cai prediti di elezer li proveditori sora le aque per do anni, con salario ducati 10